



**Broj: 01- 178/13**  
**Vareš, 20.06. 2013. godine**

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 34/03.) i člana 22. Statuta Općine Vareš, - Prečišćeni tekst, broj: 01-162/12 od 11. 09. 2012. godine, Općinsko vijeće Vareš na 9. sjednici, održanoj 20.06. 2013. godine, d o n o s i

**ODLUKU**  
**o izmjeni i dopunama Odluke o utvrđivanju**  
**standarda i kriterija za konačna**  
**imenovanja na pozicije u regulirane organe**

Član 1.

U Odluci o utvrđivanju standarda i kriterija za konačna imenovanja na pozicije u regulirane organe, - Prečišćeni tekst broj: 01-50/13. od 18.02.2013. godine u članu 2. dodaje se novi stav 2. koji glasi:

„Izbor i konačno imenovanje članova Skupština Javnih preduzeća i drugih pravnih lica, vrši se na način i po postupku utvrđenim Zakonom, ovom Odlukom i Odlukom o usklađivanju statusa Javnih preduzeća sa Zakonom o javnim preduzećima u F BiH i Zakonom o privrednim društvima.“

Član 2.

U članu 5. u stavu 1. u alineji 7. iza riječi „F BiH“ dodaju se riječi „, ako se radi o konačnom imenovanju u organe Javnih preduzeća“.

Član 3.

U članu 6. u stavu 1. alineja 1. mijenja se i glasi:  
- „Visoka stručna sprema za Upravni odbor JU Dom zdravlja, najmanje viša stručna sprema za Nadzorne odbore Javnih preduzeća, odnosno najmanje srednja stručna sprema za Upravne odbore ostalih Javnih ustanova i za članove Skupština Javnih preduzeća“.

Član 4.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI  
OPĆINSKOG VIJEĆA**

**Zdravko Marošević**

Ova Odluka je objavljena na oglasnoj tabli dana 21.06. 2013. godine

**OPĆINSKI NAČELNIK**

**Kovačević Avdija dipl. pravnik**

## **O B R A Z L O Ž E N J E**

### **Pravni osnov**

Pravni osnov, sadržan je u članu 7. Zakona o ministarskim, vladinim i drugim imenovanjima F BiH, gdje je utvrđena obaveza odgovornog javnog službenika da utvrdi standarde i kriterije kod izbora u regulirane organe, a članom 22. Statuta općine Vareš, utvrđena je nadležnost Općinskog vijeća u donošenju propisa.

### **Razlozi za donošenje**

U prečišćenom tekstu Odluke o utvrđivanju standarda i kriterija za konačna imenovanja na pozicije u regulirane organe nije precizirano pitanje izbora članova Skupština Javnih preduzeća kao organa upravljanja. Usklađivanjem ovog akta oko izbora članova Skupštine sa Zakonom i propisima Općinskog vijeća, ukazala se potreba da postupak i način izbora članova Skupštine kao reguliranih organa bude obuhvaćena navedenom Odlukom u predloženom tekstu.

### **Finansijska sredstva**

Za provođenje ove Odluke nisu potrebna finansijska sredstva.

**OVLAŠTENI PREDLAGAČ  
OPĆINSKI NAČELNIK**

**Kovačević Avdija, dipl. pravnik**